

Bremgarter Lied

Bremgarte im Morgerot, Hermetschwil im Ooberot,
Bremgarte, das isch mi Stadt und do fühl i mi wohl.

Wenn i dur dini Gasse lauf, uf dinä Plätze mi verwiil,
denn gschpör i do ben i dehei und findes megacool!

Bremgarte im Morgerot, Hermetschwil im Ooberot,
Bremgarte, das isch mi Stadt und do fühl i mi wohl.

Strophe 1 (Geographisches)

Wotsch spaziere - Promenade! - Wotsch go schwömme - I'd Badi oder d'Rüüss.

Umgä vo Wald wod brötle chasch, umgä vom Fluss wod surfe tuesch,
umgä vo Rad- und Wanderweg, Umfahrig, Bahn - die Stadt isch zwäg.

Es fehlt eus nur en Flughafe, Tureschte wöreded cho en masse,
jo eusi Stadt esch einzig uf de Wält!

Strophe 2 (Historisches)

Heisst's Bremgarte-vo Brombeergarte? Oder Brenngarte-wil's öppe brönnt het do?

Gschicht bi eus omnipresänt, mit Näme, die wohl jede kännt:

Schodoler, Aal und Bullinger - Gletle, Schott und Wissebach,

mer Bremgarter sind feini Lüüt, drum fiired alli mitenand

es grosses Fäscht, mer laaded alli ii!

Strophe 3 (Markttort)

S'isch e Märtstadt-wo d'Lüüt sich träffe! S'it alte Ziite - vom Handel läbed sie.

An Oschtere uf d'Putschibahn, a Pfingschte uf em Rieserad,

im Herbst, do läbt s'alt Handwerk uf, am Wienachtsmärt en Glüewy druuf,

Jo Märt das isch e Supersach, wil's Usgang git ganz ohni Krach,

s'isch Märt i eusre Stadt, jo chumm doch au!

Strophe 4 (Menschen in Bremgarten)

Besch do gebore - Oder zuezogä? - Bisch e Schwyzer -oder häsch en frömde Pass?

Woher du chunsch, wie alt du bisch, wie rich du bisch, isch doch egal,

die Stadt isch Heimat für eus all, de chlini Fläck im Weltenall,

drum träged Sorg zu Stadt ond Lüüt und fiired das met allne hüüt,

mer läbed do und das isch megacool!